

## N a c r t

Na osnovu člana 5. Zakona o budžetima u Federaciji Bosne i Hercegovine («Službene novine Federacije BiH», br:19/06), i člana 24. tačka 3 Statuta Općine Trnovo («Službene novine Kantona Sarajevo» br:12/08), Općinsko vijeće Trnovo na 21.sjednici održanoj dana 03.12.2010.godine utvrdilo je:

### **ODLUKA O IZVRŠAVANJU BUDŽETA OPĆINE TRNOVO ZA 2011.god.**

#### **I OPĆE ODREDBE**

##### **Član 1.**

Ovom Odlukom uređuje se struktura prihoda i primitaka te rashoda i izdataka ,izvršavanje, prioriteti plaćanja, upravljanje finansijskom i nefinansijskom imovinom, prava i obaveze korisnika budžetskih sredstava ( u daljem tekstu :korisnici) i ovlašćenja općinskog načelnika u izvršavanju Budžeta Općine Trnovo za 2011.godinu ( u daljem tekstu: Budžet)

##### **Član 2.**

Budžet se sastoji od općeg i posebnog dijela.

Opći dio Budžeta čini Račun prihoda i rashoda , račun finansiranja viška prihoda nad rashodima,odnosno viška rashoda nad prihodima iz Budžeta općine Trnovo za 2009.godinu.

Posebni dio budžeta sastoji se od plana rashoda i izdataka budžetskih korisnika raspoređenih u tekuće i razvojne programe za 2010.godinu.

- detaljnog prikaza rasporeda izdataka po korisnicima i vrsti izdataka.

Račun prihoda i rashoda budžeta općine Trnovo sastoji se od:

##### 1.)PRIHODA

- poreza koji su utvrđeni zakonom,
- neporeznih prihoda kao što su prihodi poduzetništva i imovine,
- prihoda ostvarenih obavljanjem osnovne djelatnosti i ostalih poslova budžetskih korisnika,

##### 2.)RASHODA

- za zaposlene, kao što su tekući izdaci za plaće, naknade, izdaci za materijal i usluge,
- tekući transferi i plaćanja kamata,
- za subvencije, pomoći i naknade,
- kapitalni transferi,
- razvojni programi za tekuću budžetsku godinu i naredne dvije godine

U računu finansiranja iskazuju se primici od finansijske i nefinansijske imovine, inozemnih i domaćih podrški(grantovi), te izdaci za finansijsku i nefinansijsku imovinu.

## **II IZVRŠAVANJE BUDŽETA**

### **Član 3.**

Budžetom se osiguravaju sredstva budžetskim korisnicima koji su u posebnom dijelu Budžeta utvrđeni kao nosici sredstava. Budžet izvršava Općinski načelnik u skladu sa važećim zakonskim propisima i ovom Odlukom.

Korisnici mogu koristiti sredstva Budžeta samo za namjene koje su određene Budžetom i to do visine utvrđene u posebnom dijelu Budžeta.

### **Član 4.**

Budžet može primati namjenske primitke i grantove koji se realizuju po namjeni davaoca primitka-granta, a nisu planirani Budžetom (namjenski grantovi Kantona i drugih nivoa vlasti, donacije idr.)

Za grantove koji nisu planirani u Budžetu za 2011. godinu, a ostvare se u toku godine-ovlašćuje se Općinski načelnik da iste koristi u skladu sa utvrđenom namjenom.

U sklopu Budžeta općine Trnovo, a u cilju redovnog praćenja naplate i usmjeravanja sredstava naknade za pogodnost građevinskog zemljišta pratit će se i realizacija Programa naplate i usmjeravanja naknade za pogodnost građevinskog zemljišta. Navedena sredstva čine Fond prostornog uređenja.

### **Član 5.**

Raspolaganje sredstava utvrđenih u posebnom dijelu Budžeta vrši se u skladu sa dinamikom priliva sredstava.

Općinski Načelnik je dužan prilikom realizacije voditi računa o utvrđenoj dinamici priliva i odliva sredstava i uskladiti plaćanje sa planovima izvršenja Budžeta.

Izuzetno usljed neusklađenosti priliva sredstava Općinski načelnik može izmijeniti dinamiku i donositi mjere u cilju privremenog smanjenja visine planiranih izdataka korisnika za pojedine namjene, poštujući pri tome osnovni princip Budžeta – pokrivenost rashoda prihodima.

Budžetskim korisnicima nije dozvoljeno stvaranje obaveza ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika.

### **Član 6.**

Ako se tokom godine zbog izvanrednih prilika i potreba povećaju izdaci, odnosno smanje prihodi i primici budžeta, Općinski načelnik predlaže Općinskom vijeću izmjene i dopune Budžeta općine Trnovo.

Pored toga ako prihodi porastu mogu se vršiti izmjene i dopune Budžeta.

Svaka izmjena i dopuna Budžeta vrši se po istom postupku koji se primjenjuje kod usvajanja budžeta.

### **Član 7.**

Općinski načelnik na prijedlog budžetskog korisnika , može donijeti Odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika.

Obim i vrstu rashoda za prestrukturiranje Općinski načelnik utvrđuje posebnom Odlukom i o tome informiše Općinsko vijeće.

U okviru odobrenog budžeta , preraspodjela je iznimno dozvoljena između budžetskih korisnika. Odluku o preraspodjeli sredstava između budžetskih korisnika na prijedlog Općinskog načelnika donosi Općinsko vijeće.

### **Član 8.**

Postupak nabavke roba i usluga mora se obavljati u skladu sa Zakonom o javnim nabavkama Bosne i Hercegovine («Službeni glasnik Bosne i Hercegovine», br.49/04,19/05,52/05,8/06,24/06,70/06 i 12/09)

Komisiju za nabavke , u skladu sa Zakonom iz predhodnog stava, formirat će Općinski načelnik.

Uspostavljanje i rad komisije za nabavke regulisat će se Pravilnikom o nabavci roba, vršenju usluga i ustupanju radova, kojeg donosi Općinski načelnik. U skladu sa Pravilnikom Komisija za javne nabavke dužna je donijeti plan nabavki za fiskalnu godinu.

### **Član 9.**

Služba za upravu nadležna za finansije dužna je podnositi Općinskom načelnika mjesečne izvještaje u roku najviše 30 dana, a tromjesečne i polugodišnje finansijske izvještaje u roku od najviše 60 dana, od završetka svakog izvještajnog razdoblja.

Općinsko vijeće razmatra godišnji izvještaj o izvršenju Budžeta kao i polugodišnji izvještaj, ako je to utvrđeno Programom rada Općinskog vijeća .

Izvještaj o izvršenju budžeta za svako tromjesečje fiskalne godine dostavlja se Ministarstvu finansija Kantona Sarajevo u roku od 30 dana po završetku obračunskog perioda.

Izvještaj o izvršenju Budžeta za predhodnu fiskalnu godinu Obavezno se podnosi Općinskom vijeću na usvajanje.

### **Član 10.**

#### **Način izvršavanja budžeta po ekonomskom kodu:**

#### **610000 Bruto plaće i naknade zaposlenih**

Navedena sredstva koristit će se u skladu sa Odlukom o utvrđivanju plaće nosilaca funkcija u općini Trnovo, Odluke o utvrđivanju koeficijenata za plaće rukovodećih i ostalih službenika i namještenika u službama za upravu općine Trnovo , Pravilnikom o unutrašnjoj organizaciji jedinstvenog općinskog organa uprave i službi za upravu Općine Trnovo, kao i Kolektivnog ugovora za službenike organa uprave i sudske vlasti u Federaciji BiH, i Zakona o plaćama i naknadama u organima vlasti Federacije BiH („Sl.novine Federacije BiH“,45/10)

### **611200 Naknade općinskih vijećnika**

Sredstva će se koristiti shodno Odluci o visini naknada vijećnicima, članovima stalnih i povremenih radnih tijela Općinskog vijeća Trnovo, koju donosi Općinsko vijeće.

### **613000 Izdaci za materijal i usluge**

Raspoređuje Općinski načelnik shodno planu i namjeni sredstava.

### **614000 Tekući transferi**

#### **Grantovi neprofitnih organizacija i političkih partija.**

Političke partije-Raspodjela i korištenje sredstava vršit će se u skladu sa članom 10.Zakona o finansiranju političkih partija /»Službeni glasnik BiH«, br.22/00/ Sredstva za finansiranje

Raspodjelu ukupno planiranih sredstava za Udruženja građana boračkih i dr.organizacija koristit će se mjesečno u visini od 1/12 planiranih sredstava.

Sredstva planirana za pomoć udruženjima koristit će se za održavanje godišnjih skupština udruženja ,pomoći članovima udruženja i dr. aktivnosti u skladu sa Programima i zahtjevima o finansiranju aktivnosti.

#### **Grantovi pojedincima:**

- Stipendije studenata isplaćuju se mjesečno na osnovu Pravilnika o stipendiranju učenika i studenata.
- Izdaci za socijalnu i zdravstvenu zaštitu koristit će se na osnovu donesenog rješenja službe nadležne za navedene poslove, po svakom pojedinačnom zahtjevu najviše do **300,00** KM.

Po zahtjevima za teža oboljenja građana i dr. slične situacije mogu se koristiti sredstva u većim iznosima . (stim da uz zahtjeve postoji potrebna zdravstvena dokumentacija o vrsti oboljenja i visini sredstava potrebnih za liječenje .)

Po zahtjevima studenata , za pomoć mogu se odobriti sredstva najviše do 500,00 KM

#### **Grantovi neprofitnim organizacijama-a koji se odnose na**

- Izdaci za obilježavanje istorijskih ličnosti i događaja –korištenje sredstava vršit će se u skladu sa Programom obilježavanja značajnih datuma
- Izdaci za sport finansirat će se Sportski klubovi i sportske manifestacije na području općine Trnovo u skladu sa Zaključcima Općinskog načelnika donesenih na prijedlog nadležne službe za upravu
- Izdaci za kulturu koristit će se za kulturne manifestacije društava u skladu sa Programom i planom o finansiranju kulturnih manifestacija i sportskih takmičenja a prema Programu nadležne službe za upravu

#### **Subvencije privrednim subjektima:**

Sredstva planirana za razvoj privrede koristit će se po programskom nosiocu razvoja poljoprivrede i turizma .Raspored sredstava vršit će Općinsko vijeće Trnovo svojom Odlikom.

**Kapitalna ulaganja :**

**821000 Nabavka opreme**

Ovlašćuje se Općinski načelnik da vrši nabavku opreme za potrebe organa u visini odobrenih sredstava u posebnom dijelu Budžeta. Nabavku Općinski načelnik odobrava Zaključkom o nabavci.

**821000-Korištenje sredstava za izgradnju skloništa**

Sredstva za izgradnju skloništa koristit će se za namjene utvrđene ,Zakonom o zaštiti spašavanja ljudi i materijalnih dobara od prirodnih i drugih nesreća.

**Kapitalni grantovi:**

**615-** Korištenje sredstava kapitalnih grantova pojedincima i neprofitnim organizacijama Općinski načelnik vršit će se skladu sa utvrđenom namjenom

Sredstva Fonda prostornog uređenja , koristit će se u skladu sa Programom naplate i usmjeravanja sredstava naknade za pogodnost građevinskog zemljišta na području općine Trnovo za 2011. godinu kojeg donosi Općinsko vijeće.

**Član 11.**

Sredstva tekuće rezerve Budžeta koriste se za otklanjanje posljedica elementarnih nepogoda, kao i za vanredne ,a ne planirane izdatke.

O raspodjeli tekuće rezerve odlučuje Općinski načelnik. Budžetsko izdvajanje za tekuću rezervu ne smije preći 3% ukupnih prihoda budžeta, isključujući primitke. Općinski načelnik polugodišnje izvještava Općinsko vijeće o korištenju sredstava budžetske rezerve.

**Član 12.**

Reviziju Budžeta vrši Ured za reviziju Budžeta –proračuna u Federaciji Bosne i Hercegovine uskladu sa Zakonom Nadzor nad izvršenjem Budžeta vrši nadležni državni organ za reviziju Ministarstva za finansije Kantona Sarajevo , a praćenje upotrebe sredstava Budžetskih korisnika vrši komisija koju imenuje Općinski načelnik u skladu sa Pravilnikom o internom nadzoru Budžeta općine Trnovo i budžetskih korisnika i komisija za Budžet i finansije Općinskog vijeća.

**Član 13.**

Za sva pitanja koja nisu regulisana ovom Odlukom, primjenjuju se odredbe Zakona o budžetima Federacije BiH.

### **III TRANSPARENTNOST**

Dokument okvirnog Budžeta iz člana 14. Zakona, Budžet, Odluka o izvršavanju budžeta kao i svaka izmjena i dopuna budžeta općine Trnovo, objavljuju se u Službenim novinama Kantona u roku od deset dana od dana njihovog donošenja.

Tromjesečni, polugodišnji i godišnji izvještaji o izvršenju budžeta objavljuju se u Službenim novinama Kantona u roku od deset dana od dana njihovog donošenja.

Svako korištenje tekućih rezervi objavljuje se u «Službenim novinama Kantona» u roku od deset dana od dana donošenja Odluke Općinskog načelnika.

### **IV PRELAZNE I ZAVRŠNE ODREDBE**

#### **Član 14.**

Za obavljanje platnog prometa po računu Budžeta, Općinski načelnik zaključuje ugovor sa ovlaštenim poslovnim bankama.

#### **Član 15.**

Ova Odluka stupa na snagu danom objavljivanja u „Službenim novinama Kantona Sarajevo“, a primjenjivat će se za fiskalnu 2011.god.

Broj: \_\_\_\_\_  
Trnovo, \_\_\_\_\_

PREDSJEDAVAJUĆI  
OPĆINSKOG VIJEĆA TRNOVO  
Selim Hamzić

## **O B R A Z L O Ž E N J E**

### **PRAVNI OSNOV:**

Odluka o izvršavanju Budžeta općine Trnovo za 2011. godinu donosi se na osnovu Zakona o budžetima u Federaciji Bosne i Hercegovine (Sl.novine federacije BiH",19/06 i Statuta općine Trnovo .

### **Odluka o izvršavanju Budžeta općine Trnovo donosi se kao prateći dokument Budžetu općine .navedenom odlukom reguliše se:**

- \*Opće odredbe: regulišu kako treba da izgleda Budžet općine i od čega se sastoji-/odredbe prenesene iz zakona o Budžetima u Federaciji BiH /
- \*naredbodavac po sredstvima
- \* način izvršavanja , odnosno korištenja sredstava za budžetsku godinu po ekonomskim kodovima
- \*način izvještavanja –podnošenje izvještaja i rokovi
- \*način planiranja i korištenja tekuće rezerve
- \*reviziju Budžeta
- \*transparentnost